

四庫全書

集部

欽定四庫全書

鵝李詩繫卷二十九

平湖沈季友編

國朝

維風先生魏允柟

允柟字文讓孝子學尹子當孝子卒時妻嚴氏年  
二十七截髮自誓允柟孝養備至既沒刺血寫經  
里人皆謂孝子之後復有孝子柳州詩學之盛均

奉柟為主盟陳增新云體合雅騷義兼正變吾邑  
近來風氣日上實開其先李煒亦云天雞始明曜靈啓  
途人倫之弁冕風雅之先驅其推重如此有維風集

有所思

佳人邈難見遠在天一方夢想覩音輝彷彿接容光文  
犀為君門紫貝為君堂珊瑚為君枕玳瑁為君牀駕言  
我所思山川淼以茫方舟雖利涉道遠不可航何以寄  
相思箇中雙明璫

奉柂為主盟陳增新云體合雅騷義兼正變吾邑  
近來風氣日上實開其先李煒亦云天雞始明曜靈啓  
途人倫之弁冕風雅之先驅其推重如此有維風集  
有所思

佳人邈難見遠在天一方夢想覩音輝彷彿接容光文  
犀為君門紫貝為君堂珊瑚為君枕玳瑁為君牀駕言  
我所思山川淼以茫方舟雖利涉道遠不可航何以寄  
相思篋中雙明珠

早秋遊北園

炎夏駕云邁涼颯發新秋爰有同懷客招要出行遊修  
松交密蔭嘉木翳崇丘時禽變好音雌雄鳴相求綺疏  
結長軒戶庭一何幽攜策登高岑揚舲眺中洲芳荷映  
綠池遊魚激清流良苗亦懷風遠烟輕且浮為樂未須  
臾白日忽已遒弭節薄虞淵丹霞夾重樓聆彼蟋蟀唱  
聿為良士謀賞心寄所宣使我忘百憂

豫章行

嘉樹挺奇植托根于崇山上葉蔭通衢下枝俯流泉蕃  
衍非一朝賦質固已堅霜霧萃其條鳥鼠穴其巔車徒  
憩道旁行者爲美觀匠石需良材執柯過我前根株被  
斧斤顛仆大道邊嗟彼山下樹樛枝互糾纏堅脆何可  
恃寧爾能獨全願爲朝華草榮落任天年

七哀詩

炎運覲陽九羣盜肆陸梁中原盡淪沒烽火遙相望宮  
闕成荆榛草木玄以黃離獸東西馳羈鳥不成行登高

發長嘆感慨心內傷出門何所之去去適他鄉他鄉路  
阻修川途浩縱橫孤兒啼草間思婦怨青陽吳會為邱  
墟無復冠與裳言念生平交睽隔天一方遠望使我愁  
佇立以彷徨

寶綸篇

有序

予內兄周子茂蘭故明吏部忠介公長子也忠介公既  
罹黨禍崇禎改元周子與同難諸家子伏闕鳴冤俱  
得褒卹故事追贈不及三代周子引會典例凡死忠

諫者贈先世如其官疏上報可於是皆給三代誥命  
予先人亦蒙卹典焉追贈之及三代自周子始乙酉  
天兵下江南潰卒四竄封誥盡失周子呼天自責以為宗  
社既淪先人誥命不可復得矣居無何有武人縵纓  
雙鞬從甲騎至門請見周子周子度不可謝延之入  
執禮甚恭曰僕某標將領也竊慕足下義甚高部下  
卒從某處得先大夫封誥數通欲歸足下久矣今幸  
得謁因出特授周子周子大喜酬之以金不受而去

里金微夢三更玉杵聲遙傳銃吹入含笑下機迎

從軍行

堠火甘泉急徵兵合虎符枕戈霜下臥負弩日中趨漠北逢歸雁城南聽曙鳥橫行萬里外不羨執金吾

塞上曲

都尉方乘障單于未請和帳懸孤月冷烽雜曙星多絕漠還榆塞揚兵渡柳河軍中橫吹曲新奏白狼歌

宿華山寒法師禪房

偶爾看山色攜筇到上方鶴從珠樹出龍向鉢花藏夜  
壑流清磬春雲護石牀遠公棲隱處日夕坐相忘

拜文文肅公墓

一拜先賢墓還生故國悲松楸依舊壠土木廢空祠鴻  
隙歌來日平津客散時石湖秋色暝陰雨夜迷離

贈余澹心

佳麗江南異昔時馬卿車騎暫棲遲丈人安坐誇三艷  
容子窮途賦五噫到處池亭非舊主何當縞綺問新知

天涯行路難如此故國春風且下帷

東侯研德

春風結客向吳關把袂江亭別淚殷海嶠不傳青鳥信  
寥城遙望白雲間已將名姓留南國莫使移文到北山  
揅架嵇康高士傳可能千載一追攀

李秀才炳

炳字令文號燭崑燁之弟

醉後放歌

左把浮邱俠右拍高陽徒鸕鷀碧玉珮脫付酒家壚酒  
酣耳熟雙眼白仰天長嘯歌烏烏有時射獵南山下渴  
飲黃麋血轆轤快意當前無不作惟不能作噉名客膩  
顏裾屐低兩眉把臂逢人論肝膈覆雨翻雲俄頃間奔  
走百年更何益古人白骨成青苔李志曹蜍安在哉且  
為買盡山中酒浮名于我如塵埃

登峴山

荆南峴首悲羊祜苔上登臨亦此山風景未因吳楚異

孝廉第一流意氣何瀟灑不屑五陵豪深心托大雅筆  
落自驚人著述追董賈對策金馬門一枝終不假峻節  
邈難傳曲高和乃寡汪汪千頃波誰能澄清者龍卧或  
在淵虎變亦於野名盛時未遇道廣心彌下滔滔東逝  
波日夜無停瀉斯人不可作三嘆淚盈把

右沈孝廉日昆

孫子真隱士浮家托友生獨尋千古業了無人世情談  
笑頗自得四座覺風清忘年與我交歡好若弟兄生寓

主人園死葬園之側一坯宿草荒墓道誰與識撫琴心  
自摧解劍意何極楓林秋蕭蕭燐火夜惻惻巫陽不能  
招白雲黯無色日暮山陽道平生空相憶

右孫西陵之琮

篆鴻美少年矯矯青雲器芝蘭挺堦前已見光華異竹  
馬共遨遊美酒壚頭醉得句各自矜先鞭恒並轡自謂  
金石交寧知中路棄白日浮雲掩朱華嚴霜墜總惟既  
以除三徑蕪不治一歌薤露辭遂使心憔悴

右蔣文學琢

北郭佳公子翩翩獨豪舉性僻不諧俗矯首思古處卜  
居水之涯薰葭蔽孤渚室邇人自遠邈然莫能侶往來  
方外人瓢笠無定所時復談風雅唱和共爾汝松風山  
上來窓牖竄蒼鼠身死竟無兒寂寞自今古

右馮湧齋秉恭

復仲天下才聲名冠江左意氣攬豪英寧肯親圭組丈  
夫貴快意黃金視如土破產不言貧屢見塵生釜文章

既軼羣丹青復媚嫵遺俗有高踪鄙彼寄人廡南陽羅  
浮巔烟霞恣所取旅櫬何時歸蕭蕭江浦雨

右黃麗農子錫

述舊二首

空聞四鎮擁淮徐誰向沙場發羽書處處龍吟聞畫角  
朝朝鷁首醉清渠雲迷滄海征帆滿月落長江戰壘虛  
一劍橫磨留碧血至今風雨不消除

右黃侯得功

羣峯高挿太行東絕磴萦迴一線通勢壓三川橫地軸  
位尊四岳表天中明霞晚映芙蓉秀翠壁春懸躑躅紅  
攬勝已憐多逸興更聞鸞鶴下長空

途中雜咏

山開隆慮容馳馬路入韓陵好射鵠滿飲芳醪人不醉  
鄴城東望正蕭條

李秀才鏡

鏡字無塵嘉興人

新晴歸自苕川

春陰散遠天歸路下苕川未盡山中雨還流石上泉微  
風吹細草柔櫓蕩寒烟客思重回首菰城斷嶂邊

馬伯子辰御

辰御字青蓮平湖人萬方子有絳雪亭集

語溪道中

一望柔桑色人聲近語溪狹流聽水急高岸覺蓬低野  
漿如飛鶯春蠶盡織綿當年吳越路石壘尚淒淒

家叅軍公歌姬揮春善琵琶忽驚玉折為詩輓  
之

空傳樂府想夫憐惆悵秦簫鳳去年料爾多情歌宛轉  
還隨司馬伎堂煙

李秀才寅

寅字曉令嘉興人有視彼亭詩存

錢子湘過別

積靄散晴暉相逢忽啟扉竹邊移舊榻花裏換春衣饌

值黃魚出簾當紫燕飛留君應未得風雨送將歸

雲陽道中初見楊花

雨餘山氣夕陽銜柳絮濛濛逐去帆有客江潭怨飄泊  
東風莫遣到征衫

王秀才庾山

庾山字咫岫平湖人早卒有詩未刻

過沈仲飛園亭

詞客秋風裏登臨意渺然彈棋春賭墅載酒夜鳴絃松

問何為爾主人前致詞昔年家仲子斬竹架薔薇上有  
霜雪凋下有蠟燭居自謂終萎絕何期忽華滋二載發  
新篁三載去故枝十載始森茂仲子遽長辭竹枯有時  
苑人逝不復歸覩茲手植存能不懷慘悽余亦聞此言  
泠泠有餘思起視明月下竹影正參差

折楊柳

弱柳三眠日流鶯百囀時春風如有意搖曳忽成絲花  
下銀騮繫月中玉笛吹為愁君北去不忍折南枝

卷二十九  
秋懷

遙聞仙仗出金溝  
滄海波澄靜不流  
日映朱旗連鳳沼  
風迴錦浪夾龍舟  
銅盤露冷三更月  
玉杵寒生萬戶秋  
獨有離愁江上客  
不堪重聽古涼州

虞御史兆清

兆清字鑒斯號岱淵在欽子康熙己未進士知四川綦江縣事督撫以廉能交薦授湖廣道監察御史在任二年卒著有素業堂文集蜀行草

雙山雙烈辭

有序

綦生楊霏璧妻郭氏楊霏玉妻李氏明季遭寇亂殉節雙山邑人任立相有詩紀之霏玉子岱乞余詩為作是歌

楊生再拜前致辭示我雙山雙烈詩憶昔黃巾起關隴長蛇封豕連巴夔綦雖彈丸寇亦至膾肝吮血街橫屍二母堅貞志不辱雙山洞壑相扶攜挺戈大索那容避弱命遂與刀鋸隨奮舌罵賊激賊怒白璧寧碎不可縕

迄今承平歲已久追維往事摧心脾請公一言重九鼎  
泉壚光賁無窮期我聞此語興感慨培婁松柏池蛟螭  
秦城百二連楚蜀高墉堅壘多降旗播州莫爾介蠻僰  
磊砢節義偏呈奇天地正氣秉賦均纓孽何必殊鬚眉  
夏侯截鼻王斷臂況乃生死須臾時同時羅陳二幼女  
溺波觸柱甘如飴未若一門出雙烈冰玉相映存綱維  
我作歌衆莫悲雙山高嗟峨萬古名長垂生其留此作  
琬琰永興疏傳邯鄲碑

識

寄沈客子

鸚鵡湖邊相見時愛君標格羨君詩曉風楊柳張思曼  
初日芙蓉謝客兒多君珍重新開宴玉壺旨酒金盤膳  
片片緋桃拂舞衣翻翻紫燕衝歌扇此際同登蘭葉舟  
此時同上弄珠樓紫裳花珮弄珠客夕陽遙望空凝眸  
今君別我燕山去千金駿馬昭臺路才華欣值右文時  
揚雄却似相如賦丈夫富貴不足言欲得君臣會合難

凌雲自昔誇殊遇努力中天振羽翰

霽園

鮮榭蕭條在莎亭結構疏看山嫌樹密愛月喜窗虛人影連歸鶯泉聲和讀書諸君恣吟賞牋翰各紛如

沈秀才峻

峻字華九平湖人隨父轉日官柳州始學為詩未幾入都沒于舟次有樟花草

江舟

峯脚倚村郭  
篙師說柳城  
山形標虎立江勢折龍行一  
水宜州坼千家古堞橫險灘羅計近波吼暴雷鳴

遙輓仲孫舅

曾倣文山謌古詞每傳吾母是嚴師翠峯羣玉如相見  
為說何甥近轉癡

張布衣宗信

宗信字以純號石琴平湖人有素閣吟

釣臺

羨昔嚴夫子披裘隱富春雖然不釣利名已上鉤綸

沈秀才蕙纕

蕙纕字馨聞秀水諸生

從錢清江泛舟至越城作

芙蓉被洲渚秋山帶長川客行亦何為愛此風日鮮蘭  
舟既容與桂楫相迴旋波平靜不流澹蕩蕩任自然遙觀  
越王城杳靄飛綠煙鴛央愛翠羽弄水明湖邊越女能  
棹歌采菱復采蓮覽境意已適把竿心忘筌願齊漆園

秋來還上載花船

過懷木菴示盡心松吼二上人

丞相祠堂亂草生尚書墓隴石碑平夕陽落盡心中事  
夜半青松吼一聲

陸太學士煒

士煒字昭文上瀾孫好學工文弟士琰康熙甲子  
發解而煒終困名場鬱壹以死藝林為之扼腕著  
有蕉侶遺草

送家平仲之思州二首

君去悲歌上楚臺秋風蕭瑟動餘哀跨鞍仗劍男兒事

莫戀文園舊酒杯

漠漠黔中接大荒天涯裘馬試輕裝錦屏山畔多蠻女  
笑看東吳白面郎

徐秀才拔慧

拔慧字子開海鹽人忠烈公從姪孫入籍海寧縣  
庠有嚴師堂遺橐

立秋日集拙宜園得青字

碧梧一葉傳新令相約賓朋到舊亭泉石載更餘古木  
滄桑幾歷剩流螢生涯且付杯中綠心事難邀眼底青  
莫怪狂奴仍故態秋風蓬鬢歎飄零

沈封君志高

志高字幼升嘉善人以子辰垣貴得封

查溪

考見題咏

數道奔流急晴光綠浸扉一天秋氣遙幾樹暮煙微漁

子風移棹歸人月在衣茅檐無晉接車馬自應稀

陸太學世栻

世栻字古璣號仁山清睿叔子平湖縣學生援例入北雍屢試不遇乃以觴詠自娛有西臯剩稿

洋河洗馬篇

洋河之水流大荒黃沙漠漠煙蒼蒼洪濤疾走千巖石急浪橫飛六月霜六月霜飛水清冽健兒驅馬洗汗血千騎萬隊儼雲屯八駿七良驚電掣雲屯電掣下龍沙

旅食梁園方黯然歸來紫燕已成烟驚心道路輕千里  
抱病房櫳定幾年玉尺金刀閒永晝清燈疎磬失芳緣  
蘭巖終古棲雙鶴腸斷松林霞館邊

日靜粧臺蛛網塵崑邱那復輶飈輪但餘簪珥遺諸侍  
始信鴛鴦誤早春隻影忽分兄妹遠十年未字舅姑貧  
胷前不帶懷仙草那得芳魂入夢頻

又絕句二首

空聞落葉哽寒蟹久已甘心短布裳碧落茫茫人竟去

小姑不是本無郎

為悟無生結淨緣時時蓮座禮金仙早知一死終難謝

何事沈吟二十年

題沈秋浦畫故事小影六首

東山絲竹

由來山水有清音萬籟蕭然意自深何必也乘安石興

教成歌舞費黃金

醉草清平

名花傾國倚春暉賦罷清平興欲飛捧硯有人頻顧盼  
定應憐爾不勝衣

北平射虎

芸香辟蠹日悠然皓首窮經自可憐願學龍西猿臂種  
短衣射獵度餘年

臥遊赤壁

蒼茫白露正橫秋萬頃波光一葉舟獨自叩舷孤夢醒  
前身應記到黃州

採菊東籬

飄然逸致似淵明時向籬邊數落英知爾有才誇八詠  
閒來為我賦閒情

羊裘垂釣

水碧山青野鳥哀多君也把釣竿來故人誰是劉文叔  
何事披裘坐釣臺

上已後八日集大文齋時鶴年醉甚予復圍棋

因記二首

而已

夏日平遠閣讌集

林園洵佳麗未與人境違遊憩當溽暑軒庭多涼颸白  
雲擁茂樹丹閣俯清池石榴曜朱明茵苜凌炎暉游鱗  
戲澄波倦鳥息高枝憑檻矚西郊極目何淒淒古道垂  
楊少村落烟火稀牛羊下邱壘臺笠瘁新苗征帆半搖  
役驛馬馳若飛兵荒苦連歲飢饉多仳離伊余耽幽寂  
邱壑每自怡盛年詎可再行樂須及時主人誠愛客暢

飲不知疲

綺里居即事

繞屋樹婆娑寒烟鎖薜蘿一峯常特立三徑少人過細  
草當堦發飢禽入戶多無能耽寂寞高臥且長歌

雨窗同徐臞菴小飲

不是南州徐孺子誰憐土室久離羣烟霞片石渾忘世  
風雨清樽且論文廿載知君高白雪千秋許我附青雲  
眼前人事同棋局長掩蓬蒿醉夕曛

陸汶川治原

治原字嗣開號話山平湖人弱冠負才名凡試闈之標幟名社之壇坫咸推重之後以貢授汶川令當蜀道極邊羌番錯處悉心經畫四載艱歸遂不赴補築真曠樓茂修書屋極池亭山石林竹花卉之勝讀書養生罕與時人接年八十七卒有絳雪

齋橐

玉堦怨

清秋桐葉下憶昔合歡裁針穿七夕巧繡作雙鳳迴流  
蘇凝艷藻麟文拂輕埃瑪瑙相思薦沈香百子開承恩  
當桂寢侍寵夢瑤臺朱顏鏡裏去白露歲華催恩絕昭  
陽駕愁滿長門若人情新聞舊天運樂生哀疇昔君恩  
重空慚獻賦才

孔雀吟

嶺南之山誕彩禽錦霞閃電縷織金山雞小文不足伍  
嘗思鳳凰相追尋九苞五彩未敢擬威容璀璨神氣欽

古字斯民號雪耘居近嘉善之白牛村因以自稱  
寓遊平湖者最久能詩善書議論所至信口而談  
晚年益自放揖耕牛曰是不素餐者或塗脂粉為  
婦人裝曰非此不諧俗甚而佯死驗友人之哭與  
否鄉之人拊掌呼為栢癡而不知其意之有所托  
也後喪婦喪子女乃笑曰此天之將成我志矣遂  
遍訪匡廬天都林屋諸勝欲往而不返焉未幾卒  
於湖

清風涇

升阜采嘉卉何必伯夷薇涉水釣鮮鯉何必子陵磯心遠隔塵域崔嵬踐危機綢繆因牖戶雨細花芳菲種秫造濁醪織布完春衣率性全真趣舍此安適歸

構一椽於清風涇黃九煙題曰栢學士茅屋從杜少陵舊題也即步杜韻

涇水洋洋可釣魚棲遲絕似碧山居詩交杜甫千秋上春老陶潛五柳餘學士清風還拂拂野人茆屋豈渠渠

年來已辦漁樵事徒有家傳太史書

臥月

古松流水間擊楫歌已歇高枕納清風滿蓑散明月

虞貢士兆澐

兆澐字虹升兆清弟康熙甲子副榜貢有軒渠詩

藁

冬雷

入臘已旬日喜見煖氣浮土潤水蒸溽蟄蛇啟戶游鰐

然沈雲合飛電光四流靈露奮神武角罰散鬱幽陰陽  
日回薄大化難推求斤斤推識緯陋彼甘石儔

望岱宗

塞峩特立勢無倫作鎮東方自古尊桃峪春陰蒸雨腳  
蓮峯翠瀉動雲根金泥玉檢憑誰覓宋嶂唐碑可尚存  
一十八盤凌絕頂便應呼吸到天門

邵太學翼

翼字汝爲號沖菴平湖人延齡少子太學生亡年

磬通虛麓春瓢洗巨泓石根聞勝義矯欲默迷情

柳

二月曲江池牽人柳正宜墮綿斜莫管裏帶錯還施水  
澑澑遙眼風裁曲曲眉春禽飛不上猶是未眠時

戲咏水晶九

日下能藏影空中畧有模熟摩冰雹滑乍結水漚枯屬  
紙懷焦燄承巾恍濕濡老夫雙眼鈍看汝只如無

寄示子弟

早識長安行路難那堪留滯又無端愁中白髮驚人老  
眼底青甌待汝寬十說精勤傳季子六書渾雅有宜官  
年來不少鱸魚興督亢秋風七月寒

東湖冶泛和仇滄柱

宛泛平湖垂暮天西風晴采畫樓烟山迎人面舟移坐  
月照花身酒入筵相問潛車邀弄遂一時洛咏掩歌鉏  
遲從燕賞虛幽勝未遣風流付蜀箋

猶

纖晴團頰白獅猫錦索銀鈴擁柘條為有樓頭紅粉喚  
不隨雙蝶過溪橋

戲題

到官雨打羊鬚帽去職風捎鹿脾裙為語邨黎休掩泣  
黃堂好作送窮文

徐秀才之福

之福號斗錫字櫺山秀水諸生族世貴盛以結客  
故家日貧嗜酒引杯吮毫千言立就人有丐其餘

潤者傾筐倒庋弗吝也後益不得志敗絮決履往來鶴湖漢塘間雖冰雪風雨行吟自若止則索片紙錄之隨手失去不復問卒困頓死有二子亦俱死交遊莫有過而問者

南湖秋興

千古南湖水偏宜此夜秋清樽邀皓月桂楫蕩中流露溼汀花秀雲寒古木愁美人天際隔蕭瑟罷登樓

聞雞

題墨菊

近來紅紫千般色  
不是東籬舊日裝  
著筆只拈濃淡墨  
好留真氣伴風霜

放鶴道者李延是

延是字期叔號辰山上海人少負逸才善談論熟于舊家典故及諸瑣碎事雲間舊話錄其詩文曰放鶴亭稿露抄雪纂晚年黃冠草履自稱道者二子早喪遂無嗣年七十忽病作命龕趺坐而逝

齋中讀書

結廬西漾陂披雲攬邱壑絕塵自奔軌翰墨欣有託寤言聊獨賞古人良可作非必琴酒娛頗得詩歌樂達生貴知命引興在寥廓微陽明夕扉窈窕青山郭

雅坪山房用東坡送孔郎中韻

草木餘年厭奔走頭童齒豁衣履垢開簾忽發葡萄香老饕據座驚左右清露將流夜合花斜陽且挂晴川柳諸公詩成如湧泉時到會心一點首生平漫說扶桑丸

逍遙似勝步兵酒不嫌屐齒頻到門會挾匏尊供喚口

青士將北遊至當湖言別留詩有志士不羞生

業微之句因口占答焉

志士不羞生業微衡門詎免寒與飢憐君老去頭已白  
跨驢北走雪欲飛浮名誤入時賢耳嘉遯難憑舊釣磯  
縱橫會挾三寸管紛紛詞客爭相依余胡為三歎息  
濮老汪生能自適濮老汪生皆工詩而隱于市井青士詩中及之燕臺按騎花  
驄騎吳江刺船野水碧天涯且各事飛潛尺書莫惜傳

消息咏君別詩感寸心男兒意氣自淺深沽來斗酒還  
盡醉蕭蕭落葉風滿林倚聲寧少三疊曲顧影那在千  
黃金明春土膏動薇蕨縱未南歸夢解尋

集西溪山房分得規字

白社將投老支公是舊知微波初似縠新月漸成規且  
漫言吹劍臨濟有吹劍用何勞問立錐寄聲陶處士此  
了急須唐句

地莫攢眉

過宣和嶺至義烏界追憶先師孝廉徐闇公先

申之字令修夏客之子世其家學順治辛卯中副  
車尋以目廢精岐黃術兼能服食引氣嚴冬單祫  
無寒容性嗜書先世存稿刊布不遺餘力育坐斗  
室左右前後擁書數千卷凡賓戚子弟至輒命抽  
帙朗誦一過闇解應答疑義如流舉鄉飲賓七十  
八卒有復菴心在錄

壬申元日舊病小愈書懷

此身復健今朝始百病都從昨夜除已分窮來文莫送

幸驅愁去酒仍餘木何巢不栖良鳥架有書惟飽蠹魚  
泉石本無軒冕意謀生長筭在樵漁

巢雲主人姚敬明

敬明字景滌嘉興人太學生兩舉鄉飲賓晚號巢  
雲主人有虛白子格言駕湄小集諸刻

四桂堂小集

昔過陪佳賞今來續勝遊天香雲外落仙馭雨餘留歷  
代多秦晉聯吟是白劉塵譚霏玉屑映徹一輪秋

沈山人麟

麟字友聖松江人與吳梅邨龔孝升顧西獻為忘  
形交妻彭少君亦能詩唱和甚夥壬申僑寓當湖  
祇林諸弟子相從學詩不踰年卒于北寺之昇震

房

汝寧司理彭公罷官後作此懷之

罷官仍謂拙巧宦總難為一失山中足常愁世上眉名  
原因自立清已被人知便學陶彭澤須裁歸去辭

追舊雜感

羽毛零落嘆冥鴻  
十載乾坤吾道窮  
徒使少年譏賈誼  
每於高隱羨龐公  
浮名滿眼矜巴曲  
大雅何人問國風  
可識江河流萬古  
後先十子記嘉隆

借隱空懷大小山  
頻年搖落感塵寰  
桃花萬樹仙人宅  
秀草三芝逸士關  
嶺上行雲看縹緲  
枕邊流水聽潺湲  
風流四皓知誰是  
自許留侯共往還

讀七子詩

見螢火

空庭時見碧螢流散帙空幃影亂浮風雨忽飛潘岳思  
江湖偏伴杜陵愁小明自照聊應爾腐草含光得自由  
上苑即今多瑞露可能再向景華遊

秣陵雜咏

浪遊未得買歸船料峭春寒旅思牽閒補秣陵風土志  
新年門戶貼花牋

長千古寺壇峻嶒乘興振衣一再登不管人間興廢事

孤僧自禮佛前燈

陸秀才枝山

枝山字仲孫原名世權平湖人補秀水庠生博學工制藝年三十三卒

讀孝山伯兄思州諸什漫成二絕

高臥長餘五色箋重攜琴鶴到南天衡陽雁盡無消息  
贏得新詩幾百篇

粵吟纔罷能復黔吟此地離情黯更深好似少陵夔府詠

孤城落日故園心

牆東居士項奎

奎字子聚號東井秀水人少補弟子員久躡場屋  
工詩精繪事自稱牆東居士年七十囑友人葉燮  
為生壙誌銘有晚盈堂詩學

武林翁康怡進士于吳橙齋所見余黃葉邨莊  
卷謂得古人之法訖為必傳以宣德紙徵畫  
藉銷長夏并題而歸之

巖阿絕寃篠鑿翠愛樓居貪看雲霞色采芝隨荷鋤  
神仙那可得時復近清虛

同時馬文璧獨稱黃一峯烟墨曾無多遂分蛭與龍  
旦暮得懸解妙悟定所宗

過盛匏菴溪南新築拈菴字

彷彿蘋洲與菊潭櫓搖指點過溪南偶因興僻閒鋤地  
便許心空老結菴索笑磈中遊妙伎放顛花裏得真參  
眼無俗物身無病密邇天倪仔細探

葉松巔雨桃花柳外風一觴兼一榻隨地是鴻濛

金秀才煜

煜字朗如平湖諸生少受知于邑令吳春枝在任  
三年不屑以片紙干瀆著有舊聞薈萃如千卷子  
作輅康熙甲子舉人

郊居雜咏

開門長見九山青楊柳方塘鷗鷺汀三里龍湫居士宅  
海天一點少微星

孫秀才荃

荃字高陽嘉興人肩子弱冠受知學使谷霖蒼補學官弟子旋困羸疾棄去時藝詩酒自娛有峋嶸

山人詩橐

送王白民楚行

大江遙接石城烟江草江花路十千為問童臺宮裏月可隨春到白雲邊

沈璣生

璣字叔璣號耕隱錢塘人晚居秀水善丹青

弔沈治銘

攜手孤山各賦詩白梅黃鶴笑人痴茫茫歸去無家別  
月下疎鐘喚夢遲

宋徵君是

是字惺聞山陰諸生康熙己未薦舉博學宏詞不  
赴有辭朱德園中翰書今僑寓禾中

居山之一

綠陰多樹處老屋紫苔肥坐久溪雲出日長山鳥依偶  
占詩句好補索韵音稀會有鄰家子花時來叩扉

吳元漢

元漢字尹侯元洲弟有尊樂堂詩趙遊草

恒州雜詩

自駐中山國頻登般若臺臨風一以眺春色又東來大  
陸凝殘雪禪房發舊梅老童留句好吟罷重徘徊天寧閣有

題句  
盛宜山

遂能絕跡向空山牧豎樵夫相往還林下不嫌賓客到  
籬邊深喜歲時間即今老作邱園客閉戶著書聊自得  
十畝猶存丙舍田數椽不改扶陽宅年來城市少經過  
坐對雲山且放歌木食草衣忘歲月不知鬢髮復如何

吳大震

大震字子濤號濤廬嘉善人

蚤涼

何處賒秋蚤秋賒卓午餘風喧平奪日蟬寂不驚魚相

相眠能穩珊瑚病欲舒逆知皇甫七池上興非虛

徐秀才晟全

晟全字孝績號余入海鹽人入籍嘉興有聲士林著三里考一百卷刈園稿六十卷

午日偶至憩雲菴即事

彌江亂飛鳬踏歌喧敗鼓千載此風俗三閭意何取牽愁雖百斛不向斯時吐隨步披荒榛東湖更東浦矮屋敞孤蓬四望曠蕭莽中涵明淨几榜字燦可數始憶憩

雲名詩僧皎貫侶解衣坐前檻山水供仰俯翠袖列畫  
屏明湖鑒林羽老禪自束縛良久乃出戶清言滌煩襟  
秀色撲眉宇瓢擣匡山雲展帶越溪雨匡筭淡而腴越  
茶甘更苦悠然對湖山少啜亦揮塵羈旅耽幽尋遷延  
及亭午別師入紅塵永壺換湯金欹枕思少憇夢攬巫  
覩舞逢逢敗鼓聲又轉牆東廡

河南道中

中原大道直如髮今古勞勞此問津柳帶亂飄鞭尾雪

麥波遙送馬蹄塵未分名利爭馳驟別有謳吟答苦辛  
偶爾片雲閒出岫也隨流水逐征輪

金山寺用曾文定公韻

芙蓉削出水晶宮臺殿層層碧間紅鎖鑰滄溟添壯麗  
標輪白日斡西東嵌空石漱驪珠穴架險亭招鵬翼風  
瞻仰天文霄漢上茫茫元氣滿寰中

馬上舍

輝曾字學山號邁菴平湖人給諫嘉植仲子有三

岸張羅密庵人入饌工吾鄉佳客坐常配菊花紅

登吳山七寶嶺

吳山南壓重關險  
埤堦中分對石屏  
宋主衣冠成蔓草  
錢王烟月賸  
離亭江濤萬頃連  
天白嶺樹千盤接  
地青指顧西興人影絕  
昔年鼓角起沙汀

白蘋花

點點寒香傍客舟  
傷情晚棹白蘋洲  
故鄉多少離人淚  
并作橫江一曲秋

贈鴛水歌者李老

時曲新翻合管絲  
秋風落葉下階墀  
慙予不及龍標尉  
閒煞昭陽李教師

姚秀才姓

甡字生生號旃麓  
松江人入籍平湖與張帶三吳  
日千董樗亭輩飲酒賦詩為忘形交所著有修竹

廬稿

修禊行

妾家舊住章華里含情日日飄羅綺祓禊來游洧水潯  
春風搖蕩採蘭心盈盈皓腕臨清渚水光掩映霓裳舉  
弄態輸情妾自知眼波迭送郎應許紅日西沈起暮霞  
可憐催度七香車郎行若道東門遠幸負晴川芍藥花

雨霽

宿雨一朝霽却仍二月天巖風晨捲霧絲柳畫辭烟箏  
墮檐前韻花舒濕後妍傷春詩最好只有杜樊川

華嚴閣書懷

小寺初鐘後秋深夜更清酒醒僧語罷人靜佛燈明古  
木蕭蕭下寒蛩切切鳴此中有真味誰與証無生

採蓮曲

江渚採蓮歸隔溪見郎過日暮風浪生回頭但烟霧  
曲水棹輕舟舟輕似蓮葉但恨荷珠流不比儂心結

檇李詩繫卷二十九